



JABATAN PERKHIDMATAN VETERINAR

LAPORAN PEMANTAUAN MEDIA

29 NOVEMBER 2024 (JUMAAT)

Lembu Berkeliaran Ancam Keselamatan Penduduk

MEDIA	RUANGAN	MUKA SURAT	TARIKH
Utusan Malaysia	Forum	19	29 Nov



ADUAN rasmi berkaitan masalah lembu berkeliaran telah dibuat, namun tiada penyelesaian konkrit daripada pihak berwajib.

Lembu berkeliaran ancam keselamatan penduduk

MASALAH lembu berkeliaran yang menyebabkan kerosakan tanaman, ancaman keselamatan dan pencemaran persekitaran di FELDA Lembah Klau, Raub, Pahang berlarutan lebih setahun. Aduan rasmi dibuat pada 14 November 2023 dan 9 Julai lalu, namun tiada penyelesaian konkrit daripada pihak berwajib.

Walaupun pemantauan dilakukan oleh Jabatan Perkhidmatan Veterinar dua minggu lalu, lembu-lembu ini terus berkeliaran, merosakkan tanaman, mencemarkan persekitaran dengan najis bertaburan di atas jalan serta mengundang bahaya kepada penduduk. Masalah ini membebankan penduduk yang bergantung kepada hasil pertanian dan turut menjejaskan kebersihan kawasan sekitar.

Lembu-lembu ini berkeliaran di kawasan rumah dan ladang, merosakkan tanaman seperti sayur-sayuran, buah-buahan dan hasil pertanian lain serta menimbulkan risiko kemalangan kepada pengguna jalan raya.

Najis lembu bertaburan di atas jalan dan sekitar kawasan perumahan, menyebabkan bau busuk, kekotoran dan risiko kesihatan kepada penduduk, terutama kanak-kanak.

Tindakan tegas ke atas pemilik lembu yang cuai, mengikut peruntukan di bawah Akta Kawalan Kerbau dan Lembu 2001 serta Akta Pengangkutan Jalan 1987.

Operasi bersepadu diperlukan melibatkan Jabatan Veterinar, polis dan Jabatan Pengangkutan Jalan (JPI) untuk menangkap lembu berkeliaran serta memastikan pemilik bertanggungjawab.

Kempen kesedaran perlu diadakan untuk pemilik ternakan mengenai tanggungjawab menjaga lembu. Dialog bersama penduduk dan pihak berkuasa untuk membincangkan langkah pencegahan dan penyelesaian isu ini.

Selain itu, bersihkan kawasan dengan menggerakkan pasukan kebersihan bagi membersihkan najis lembu yang bertaburan serta memastikan kawasan FELDA kekal bersih dan selamat.

Masalah lembu berkeliaran ini bukan sahaja menjejaskan keselamatan dan hasil tanaman penduduk, tetapi juga mencemarkan persekitaran dengan najis bertaburan. Ia memerlukan tindakan segera dan lebih tegas daripada pihak berkuasa. Dengan kerjasama dan penguatkuasaan yang lebih baik, kami yakin masalah ini boleh diselesaikan demi kesejahteraan penduduk FELDA Lembah Klau.

ZAKARIA ISMAIL

Kampung FELDA Lembah Klau,
Raub, Pahang

Pesara Jabatan Veterinar Lemas Ketika Memukat Ikan

MEDIA	RUANGAN	MUKA SURAT	TARIKH
The Star	Berita	Online	28 Nov



forBERNAMA

JERTIH: Seorang warga emas ditemukan lemas ketika memukat ikan di kawasan sawah padi di Kampung Amir dekat sini, pagi tadi.

Anak mangsa Tuan Muhammad Hishamuddin, 23, berkata bapanya Tuan Jusoh Tuan Hassan, 66, seorang pesara Jabatan Perkhidmatan Veterinar (JPV) Besut keluar dari rumah pada 7.55 pagi tadi untuk melihat pukat bersama rakannya.

“Selepas sarapan ayah keluar dengan menunggang motosikal ke lokasi kejadian

bersama tiga rakannya dengan menaiki perahu.

“Lebih kurang 9.15 pagi saya dapat tahu ayah lemas di tempat dia memukat ikan,” katanya ketika ditemui di Unit Forensik Hospital Besut, di sini hari ini.

Tuan Muhammad Hishamuddin berkata dia difahamkan kejadian berlaku apabila bapanya turun ke dalam air dari perahu yang dinaiki mereka berempat untuk mengangkat pukat.

Sementara itu, Ketua Balai Bomba dan Penyelamat

Besut Muhammad Azrul Izzham Zulkifli berkata sebanyak 10 anggota dikejarkan ke lokasi kejadian selepas menerima panggilan pada 9.08 pagi.

Menurut beliau, usaha mencari dan menyelamatkan turut dibantu penduduk kampung menggunakan bot di kawasan sawah yang ditenggalami air sedalam kira-kira tiga meter itu.

“Mayat mangsa ditemukan kira-kira 10.00 pagi sekitar lima meter dari lokasi dia dilaporkan tenggelam dan ditemukan di dasar air yang keruh serta arus agak deras,” katanya kepada pemberita di lokasi kejadian.

Muhammad Azrul Izzham berkata mayat mangsa telah diserahkan kepada pihak polis untuk tindakan lanjut.-

THESUN

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR